

宋  
名  
家  
詞

石屏詞

目錄

錦帳春 一調

醉落魄 一調

柳梢青 一調

行香子 一調

木蘭花慢 一調

鷓鴣天 一調

浣溪沙 一調

臨江仙 一調

祝英臺近 一調

鵲橋仙 二調

大江西上曲 一調

減字木蘭花 三調

清平樂

二調

醉太平

一調

望江南

七調

沁園春

一調

滿江紅

一調

賀新郎

三調

水調歌頭

一調

滿庭芳

二調

石屏詞目錄

終

石屏詞

宋 戴復古

錦帳春

淮東陳提舉清叟奉  
母夫人游徐仙翁菴

處處逢花家家插柳政寒食清明時候奉板輿  
行樂使星隨後人間稀有出郭尋仙繡衣春  
畫馬上列兩行紅袖對韶華一笑勸國夫酒百  
千長壽

醉落魄

九日吳勝之運  
使黃鶴山登高

龍山行樂何如今日登黃鵠風光政要人酬酢  
欲賦歸來莫是淵明錯江山登覽長如昨飛  
鴻影裏秋光薄祇有黃花覺牢裹烏紗一任西  
風作

柳梢青

岳陽樓

袖劔飛吟洞庭青草秋水深深萬頃波光岳陽  
樓上一快披襟不須攜酒登臨問有酒何人  
共斟變盡人間君山一點自古如今

行香子

永州爲魏  
深甫壽

萬石崔嵬二水漣漪此江山天下之奇太平氣  
象百姓熙熙有文章公經綸手把州麾 滿斟  
壽酒笑撚梅枝管年年長見花時佳人休唱淺  
近歌詞讀浯溪頌愚谷記澹岩詩

木蘭花慢

懷  
舊

鶯啼啼不盡任燕語語難通這一點閑愁十年  
不斷惱亂春風重來故人不見但依然楊柳小

樓東記得同題粉壁而今壁破無蹤  
蘭皋新漲綠溶溶  
流恨落花紅  
念著破春衫  
當時送別  
燈下裁縫  
相思謾然自苦  
算雲煙過眼  
總成空  
落日楚天無際  
凭欄目送飛鴻

鷓鴣天

題趙次山  
魚樂堂

圍圍洋洋各自由  
或行或舞或沉浮  
觀魚未必知魚樂  
政恐清波照白頭  
休結網  
莫垂鈎  
機心一露使魚愁  
終知不是池中物  
掉尾江湖汗

漫游

浣溪沙

病起無聊倚繡床  
玉容清瘦嬾梳粧  
水沉煙冷橘花香  
說箇話兒方有味  
喫些酒子又何妨  
一聲鷓鴣斷人腸

臨江仙

代作

誤入風塵門戶  
駢來花月樓臺  
樽前幾度得  
徘徊  
可憐容易別  
不見牡丹開  
莫恨銀瓶酒盡



石屏言  
三  
法  
但將妾淚添盃江頭恰恨北風回再三相祝去  
千萬寄書來

祝英臺近

別李澤  
之諸史

泛杭州臨塵水幾日共遊戲歌笑開懷酒醒又  
選醉奈何一旦分攜連宵風雨剪不斷客愁千  
里水雲際遙望一片飛鴻苦是失羣地滿眼  
春風等甚閒桃李此行歸老家山相逢難又但  
一味相思而已

鵲橋仙

周子俊過南昌問訊  
宋吉甫黃存之兄弟

西山峯壑東湖亭館盡是經行舊路別時相見  
有荷花蓮又見梅花歲算 宋家兄弟黃家兄  
弟一一煩君傳語相忘不寄一行書元自有不  
相忘處

又

新荷池沼綠槐庭院檐前雨聲初斷喧喧兩部  
亂蛙鳴怎得似啼鴛覘睨 風光流轉客游汗

石屏詞

四

汲古閣

漫莫問鬢絲長短醒時盃酒醉時歌算省得閑  
愁一半

大江西上曲

寄李實父提刑時  
知後兩相皆乞歸

大江西上鬱孤臺八境人間圖畫地湧千峰搖  
翠浪兩派玉虹如瀉彈壓江山品題風月四海  
今王謝風流人物如公一世雄也 一片憂國  
丹心彈絲吹笛未必能陶寫西北風塵方瀕洞  
宰相閒歸綠野月斧爭鳴風斤運巧不用修亭

榭紫樞黃閣要公整頓天下

減字木蘭花

寄欽州劉叔治史君

羊城舊路檀板一聲驚客去不擬重來白髮飄  
飄上越臺 故人居處曲巷深深通竹所問訊  
桃花欲訪劉郎不在家

又

寄五羊鍾子洪

天台狂客醉裏不知秋髮白應接風光憶在江  
亭醉幾場 吳姬勸酒唱得廉頗能飯否西雨

東晴人道無情又有情

又

阻風中酒流落江湖成白首  
歷盡間關贏得虛名滿世間  
浩然歸去憶著石屏茅屋趣  
想見山村樹有交柯犢有孫

清平樂

興國軍呈  
李司直

今朝欲去忽有留人處  
說與江頭楊柳樹  
繫我扁舟且住  
十分酒興詩腸  
難禁冷落秋光借

取春風一笑狂夫到老猶狂

又  
人嘲

醉狂癡作誤信青樓約酒醒梅花吹画角翻得  
一場寂莫相如謾賦凌雲琴臺不遇文君江  
上琵琶舊曲只堪分付商人

醉太平

長亭短亭春風酒醒無端惹起離情有黃鸝數  
聲芙蓉綉茵江上画屏夢中昨夜分明悔先

行一程

望江南

壺山宋謙父寄新刊雅詞內有壺山好三十闋自說平生僕謂猶有

說未盡處

爲續四曲

壺山好博古又通今結屋三間藏萬卷揮毫一  
字值千金四海有知音 門外路咫尺是湖陰  
萬柳堤邊行處樂百花洲上醉時吟不負一生

心

又

壺山好膽氣不妨麤手奮空拳成活計眼穿故  
紙下工夫處世未全疎 生涯事近日果何如  
背錦奚奴能檢點画眉老婦出交租且喜有贏  
餘

又

壺山好文字滿胸中詩律變成長慶體歌詞綽  
有稼軒風最會說窮通 中年後雖老未成翁  
兒大相傳書種在客來不放酒樽空相對醉顏



紅

又

壺山好也解憶狂夫轉手便成千里別經年不  
寄一行書渾似不相疎 催歸曲一唱一愁子  
有劔賣來酤酒喫無錢歸去買山居一向作狂

徒

壺山有催歸  
曲贈天甚妙

又

僕既爲宋壺山說其自說未盡  
處壺山必有答語僕自嘲三解

石屏老家住海東雲本是尋常田舍子如何呼

喚作詩人無益費精神 千首富不救一生貧  
賈島形模元自瘦 杜陵言語不妨村 誰解學西  
峴

又

石屏老長憶少年遊 自謂虎頭須食肉 誰知猿  
臂不封侯 身世一虛舟 平生事說著 也堪羞  
四海九州雙脚底 千愁萬恨兩眉頭 白髮早歸  
休

又

石屏老悔不住山林  
注定一生知有命  
老來萬事付無心  
巧語不如瘖  
貧亦樂  
莫負好光陰  
但願有頭生白髮  
何愁無地覓黃金  
遇酒且須斟

沁園春

自述

一曲狂歌有百餘言  
說盡平生費十年  
燈火讀書讀史  
四方奔走求利求名  
蹭蹬歸來閉門獨

坐贏得窮吟詩句清夫詩者皆吾儂平日愁歎  
之聲 空餘豪氣崢嶸安得良田二頃畊向臨  
邛滌器可憐司馬成都賣卜誰識君平分則宜  
然吾何敢怨蝼蟻消搖戴粒行開懷抱有青梅  
薦酒綠樹啼鸞

滿江紅

赤壁懷古

赤壁磯頭一番過一番懷古想當時周郎年少  
氣吞區宇萬騎臨江貔虎噪千艘烈炬魚龍怒

石屏詞

九

汲古閣

卷長波一鼓困曹瞞今如許  
江上渡江邊路  
形勝地興亡處覽遺蹤  
讀詩書言語幾渡東  
風吹世換千年往事隨潮去  
問道傍楊柳爲誰  
春搖金縷

賀新郎

豐真州建江  
淮偉觀樓

百尺連雲起試登臨江山人物一時俱偉  
笏  
金陵龍虎勢京峴諸峯對峙隱隱接揚州歌吹  
雪浪舞從三峽下乍逢迎海若談秋水形勝地

有如此 使君一世經綸志把風斤月斧來此  
等閑遊戲見說樓成無多日大手一何容易笑  
天下紛紛血指醞釀春風與和氣舉長江變作  
香醪美人共樂醉桃李

又

寄豐  
宅之

憶把金罍酒歎別來光陰荏苒江湖宿舊世事  
不堪頻著眼贏得兩眉長皺但東望故人翹首  
木落山空天遠大送飛鴻北去傷情久天下事

公知否 錢塘風月西湖柳渡江來百年機會  
從前未有喚起東山丘壑夢莫惜風霜老手要  
整頓封疆如舊早晚樞庭開幙府是英雄盡爲  
公奔走看金印大如斗

又

兄弟爭塗田而訟  
歌此詞主和議

蝸角爭多少是英雄割據乾坤到頭休了一片  
泥塗荒地盡是魚龍故道新堤上風濤難保  
滄海桑田何時變怕桑田未變人先老休爲此

生煩惱 訟庭不許頻頻到這官坊翻來覆去  
有何分曉無諍人中爲第一長訟元非吉兆但  
有恨平章不早樽酒喚回和氣在看從來兄弟  
依然好把前事付一笑

水調歌頭

題李季允侍郎  
鄂州吞雲樓

輪奐半天上勝槩壓南樓籌邊獨坐豈欲登覽  
怯雙眸浪說胸吞雲夢直把氣吞殘虜西北望  
神州百載好機會人事恨悠悠 騎黃鶴賦鸚



石屏詩 十一  
鵝謾風流岳王祠畔楊柳煙鎖古今愁整頓乾  
坤手段指授英雄方略雅志若爲酬盃酒不在  
手雙鬢恐驚秋

滿庭芳

楚州上巳萬柳池應監丞飲客

三月春光群賢勝餞山陰何似山陽鵝池墨妙  
曲水記流觴自許風流丘壑何人共擊楫長江  
新亭上山河有異舉目恨堂堂使君經世志  
十年邊上兩鬢風霜問池邊楊柳因甚淒涼萬

樹重新種了株株在桃李花傍仍須待賸栽蘭  
芷爲國洗河湟

夕

元夕上郡武  
王守子文

草木生春樓臺不夜團團月上雲霄太平官府  
民物共逍遙指點江梅一笑幾番負雨秀風嬌  
今年好花邊把酒歌舞醉元宵 風流賢太守  
青雲志氣玉樹丰標是神仙班裏舊日王喬出  
奉板輿行樂金蓮照十里笙簫收燈後看看丹

詔催入聖明朝

式之以詩鳴東南半天下所稱南渡後江  
湖四靈之一也石屏其所居山名因以為  
號性好遊南適甌閩北窺吳越上會稽絕  
重江浮彭蠡汎洞庭望匡廬五老九嶷諸  
峰然後放于淮泗歸老委羽之下讀其自  
述沁園春一闕自嘲聖江南三闕可想見  
其大槩矣一時樓四明吳荆溪輩盛稱其

痛念先人固竊繼志以為天台詩品莫出  
其右者楊用修乃以江西烈女一事疵其  
為人不幾以小節掩大德耶至如胸中無  
千百字書云云是石屏自恨少孤失學之  
語指為方虛谷短之抑謬矣樓大防陶南  
村所紀二則聊附于左以俟賞識君子古

虞毛晉識

樓鑰云黃岩戴君敏才獨能以詩自適號

東臯子不肖作舉子業終窮而不悔且死  
一子方襁褓中語親友曰吾之病革矣而  
子甚幼詩遂無傳乎為之太息語不及他  
與世異好乃如此子既長名曰復古字式  
之或告以遺言收拾殘編僅存一二深切  
病之遂篤意古律雪巢林監廟景思竹隱  
徐直院淵子皆丹丘名士俱從之遊講明  
句法又登三山陸放翁之門而詩益進一

日携大編訪予且言吾以此傳父業然亦  
以此而寤求一語以書其志余荅之曰夫  
誌能寤人或謂惟寤然後工笠澤之論李  
長吉玉谿生甚悲也子惟能固寤則詩愈  
昌矣余之言固何足為軒輊邪嘗聞戴安  
道善琴二子勃顛並受琴於父父沒所傳  
之聲不忍復奏乃各造新弄廣陵止息之  
流皆與世異其孝固可稱然似稍過果爾

則琴亦當廢矣式之豈其苗裔邪而能以詩承先志殆異於此東臯子其不死矣

陶宗儀云戴石屏先生復古未遇時流寓江右武寧有富家翁愛其才以女妻之居二三年忽欲作婦計妻問其故告以曾娶妻曰之父父怒妻宛曲解釋盡以奩具贈夫仍餞以詞云惜多才憐薄命無計可留汝揉碎花牋忍寫斷腸句道傍楊柳依依

千絲萬縷抵不住一分愁緒  
捉月盟言不具夢中語  
後回君若重來不相忘處  
把杯酒澆奴墳土夫旣別  
遂赴水死可謂賢烈也已



石屏詞終

海野詞

目錄

水龍吟

一調

念奴嬌

四調

瑞鶴仙

一調

傾盃樂

一調

木蘭花慢

一調

水調歌頭

三調

醉蓬萊

一調

滿庭芳

一調

燕山亭

二調

沁園春

一調

喜遷鶯

一調

金人捧露盤

一調

傳言玉女 一調

好事近 三調

柳梢青 三調

春光好 三調

減字木蘭花 一調

點絳脣 二調

浣溪沙 四調

釵頭鳳 一調

訴衷情 四調

轉調踏莎行 一調

眼看媚 二調

蝶戀花 二調

隔浦蓮 一調

浪淘沙 一調

驀山溪 二調

感皇恩 一調

阮郎歸

一調

鷓鴣天

四調

定風波

四調

南鄉子

一調

憶秦娥

五調

鵲橋仙

一調

清平樂

一調

長相思

一調

虞美人

一調

採桑子

一調

朝中措

八調

南柯子

四調

玉樓春

一調

江神子

一調

踏莎行

一調

生查子

一調

青玉案

一調

菩薩蠻

二調

西江月

一調

繡帶兒

一調

卜算子

一調

柳梢青

三調

醉落魄

一調

鵲橋仙

一調

清平樂

一調

訴衷情

一調

浣溪沙

一調

壺中天慢

一調

海野詞目錄

終

海野詞

宋 曾 覲

水龍吟

楚天千里無雲露華洗出秋容淨銀蟾臺榭玉  
壺天地參差桂影鴛瓦寒生画簷光射碧梧金  
井聽韶華半夜江梅三弄風嫋嫋良宵永 攜  
手西園宴罷下瑤臺醉魂初醒吹簫仙子驟鸞  
歸路一襟清興鳩鵲樓高建章門迴星河耿耿

看滄江潮上丹楓葉落浸關山冷

念奴嬌

霽天湛碧正新涼風露冰壺清徹河漢無聲  
□□湧出銀蟾孤絕岩桂香飄井梧影轉冷浸  
宮袍潔西廂往事一簾幽夢淒切腸斷楚峽  
雲歸樽前無緒只有愁如髮此夕姮娥應也恨  
冷落瓊樓金闕禁漏迢迢邊鴻杳杳密意憑誰  
說闌干星漢落梅三弄初闕

又

席上賦  
林擒花

群花漸老向曉來微雨芳心初拆拂掠嬌紅香  
旖旎渾欲不勝春色淡月梨花新晴繁杏裝點  
成標格風光都在半開深院人寂 剛要買斷  
東風裊藥枝低映舞茵歌席記得當時曾共賞  
玉人纖手輕摘醉裏妖嬈醒時風韻比並堪端  
的誰知顛顛對花空恁思憶

又

賞芍藥



人生行樂算一春歡賞都來幾日綠暗紅稀春  
已去贏得星星頭白醉裏狂歌花前起舞拚罰  
金盃百淋漓宮錦忍辜妖豔姿色須信殿得  
韶光祇愁花謝又作經年別嫩紫嬌紅還解語  
應爲主人留客月落烏啼酒闌燭暗離緒傷吳  
越竹西歌吹不堪老去重憶

又

余年十八寓符  
離臨行作此詞

娟容素態比群花贏了風流顏色昵枕低幃銷

受得□□輕怜深惜怎望如今瓶沉簪折驀地  
成疎隔□□夕雨甚時重見蹤跡 門外暫泊  
蘭舟一行霜樹□一重山碧淚眼相看爭忍望  
天際孤村寒驛下水無情催人東去去也添愁  
寂鱗鴻方便爲人傳箇消息

瑞鶴仙

陡寒生翠幕凍雲垂繽紛飛雪初落縈風度池  
閣嫋餘妍時趁舞腰纖弱江天漠漠認殘梅吹

散画角正貂裘乍怯黃昏院宇入簷飄泊 依  
約銀河迢遞種玉群仙共駸鸞鶴東君未覺先  
春綻萬花萼向樽前已喜豐年呈瑞人間何事  
最樂擁笙歌繡閣低帷縱歡細酌

傾盃樂

仙呂○席  
上賞雲

錦帳寒添画簷雀噪凍雲布野望空際瑤峰微  
吐瓊花初綻江山如画裁冰剪水裝鴛瓦香旗  
亭路依稀管絃臺榭倚小樓佳興一行珠簾不

下  
隨縷板歌聲閒暇傍翠袖雲鬟  
伶豔冶似  
佯醉不耐嬌羞濃歡旋學風雅  
向暝色雙鸞舞  
罷紅獸暝春生金尊但滯飲香  
霧捲壺天不夜

木蘭花慢

長樂臺晚  
望偶成

正枝頭荔子晚紅皺裊熏風對碧瓦迷雲青山  
似浪返照浮空高臺稱吟眺處繁華清勝兩兩  
無窮簾捲榕陰算合萬家香靄溟濛年光冉  
冉逐飛鴻嘆雨跡雲蹤漸暑退蘭房涼生象簟

知與誰同臨鸞晚粧初罷怨清宵好夢不相逢  
看卽天涯秋也恨隨一葉梧桐

水調歌頭

書懷

溪山多勝事詩酒辨清游主人爲我增葺臺榭  
足凝眸髣髴玉壺天地隱見瀛洲風月千首傲  
王侯誰與共登眺公子氣橫秋 記當年曾共  
醉庾公樓一盃此際重話前事逐東流多謝兼  
金清唱更擬重陽佳節接菊任扶頭但願身長

健浮世拚悠悠

又

圖画上麟閣莫使鬢先秋壯年豪氣無奈黯黯  
陣雲浮常記青油幕下一矢聊城飛去談笑靜  
邊頭勛業出無意非爲快恩讎 卷龍韜隨鳳

詔與時謀朱旛皂蓋南下聊試海山州邂逅故  
人相見俯仰浮生今古螻蟻共王侯萬事偶然  
耳風月恣嬉遊

海野詞

五

汲古閣

又

和南劍  
薛倅

長樂富山水杖屨足追遊故人千里西望雙劍  
黯迴眸多謝扁舟乘興慰我天涯羈思何必羨  
封侯算雨疎簾捲爽氣颯如秋送征鴻浮大  
白倚危樓參橫月落耿耿河漢近人流堪嘆人  
生離合後日征鞍西去別語却從頭老矣江邊  
路清興漫悠悠

醉蓬萊

侍宴德壽宮  
應制賦假山

向逍遙物外造化工夫做成幽致杳靄壺天映  
滿空蒼翠聳秀峰巒媚春花木對玉階金砌方  
丈瀛洲非煙非霧恍移平地 況值良辰宴遊  
時候日永風和算春天氣金母龜臺傍碧桃陰  
裏地久天長父堯子舜燦綺羅佳會一部仙韶  
九重鸞仗年年同醉

滿庭芳

賞壯丹

冶態輕盈香風搖蕩画欄淑景初長彩霞深處



明豔奪昭陽試問沉香舊事應勸我莫負韶光  
多情是低徊顧影雲幕淡微涼 人間春更好  
一枝斜插猶記疎狂到如今潘鬢暗點吳霜樂  
事直須年少何妨拚一醉千觴醺醺醉壺天向  
晚春思正悠揚

燕山亭

中秋諸王  
席上作

河漢風清庭戶夜涼皓月澄秋時候冰鑑乍開  
跨海飛來光掩滿天星斗四捲珠簾漸移影寶

階鴛鴦還又看歲歲嬋娟向人依舊 朱邸高  
宴簪纓正歌吹瑤臺舞翻宮袖銀管競酌棣萼  
相輝風流古來誰有玉笛橫空更聽徹霓裳三  
奏難偶拚醉倒參橫曉漏

又

楊廉訪  
生日

玉立明光才業冠倫漢曆方承休運江左奏功  
塞壘宣威紫綬幾坐金印歲晚歸來望丹極新  
清氛裊忠憤著撓節朋儔便成嘉遯 千載雲

海茫茫記舉目新亭壯懷難盡蝴蝶夢驚化鶴  
飛還榮華等閑一瞬七十樽前算疇昔都無可  
恨休問長占取朱顏綠鬢

沁園春

初冬夜坐聞淮  
上捷首次韻

更漏迢迢乍寒天氣畫燭對床正井梧飄砌邊  
鴻度月故人何處水遠山長老去功名年來情  
緒寬盡寒衣銷舊香除非是仗蠻牋象管時伴  
吟窗 詞章莫話行藏且喜見捷書來帝鄉看

銳師雲合妖氛電掃隋堤宮柳依舊成行夢遶  
他年青門紫陌對酒花前歌正當空成恨奈潘  
郎兩鬢新點吳霜

喜遷鶯

福唐平蕩海寇宴  
犒將士席上作

七閩形勝鎮南紀會府山川交映簫鼓喧天綺  
羅盈市不負四時風景共喜太平無事豈料橫  
池不逞殄群醜看一鼓雷奔滄溟波靜 指縱  
詩書帥曾到鳳池密勿陪幾政慙淹籌幃催分

戰艦總出智謀先定想見提書初上盡道臣賢  
主聖正圖舊聽重宣丹詔歸調金鼎

金人捧露盤

庚寅歲春奉使過京師感懷作

記神京繁華地舊遊蹤正御溝春水溶溶平康  
巷陌繡鞍金勒躍青驄解衣沽酒醉絃管柳綠  
花紅 到如今餘霜鬢嗟前事夢魂中但寒煙  
滿目飛蓬雕欄玉砌空餘三十六離宮塞笳驚  
起算天雁寂莫東風

傳言玉女

鳳闕龍樓清夜月華初照萬點星毬護花梢寒  
峭華胥夢裏老去歡情終少花愁醉悶總消除  
了紫陌嬉遊不似少年懷抱珠簾十里聽笙  
簫聲杳幽期密約暗想淺顰輕笑良時莫負玉  
山頻倒

好事近

仰賡  
聖製

搖颺杏花風遲日淡陰雙闕絲管緩隨檀板看

舞腰迴雪 龍舟閑艤 画橋邊須趁好花折頻  
勸御盃宜滿正清歌初闋

又

嚴陵柳  
守席上

一夢別長安山路雨斜風細行到子陵灘畔謝  
主人深意 多情低唱下梁塵拚十分沉醉去  
也爲伊消瘦悄不禁思憶

又

霽雪好風光恰是相逢時節酒量不禁頻勸便

醉倒人側 嚴城更漏夜 耿耿應有斷腸客 莫  
問落梅三弄喜 一枝曾折

柳梢青

侍宴禁中賀張  
知問應制作

梅粉輕勻和風布 暎芳徑無塵鳳閣凌虛龍池  
澄碧芳意鱗鱗 清時酒聖花神對內苑風光  
又新一部仙韶九重鸞仗天上長春

又

臨安春會泛舟湖  
中胡帥索詞因賦

花柳爭春湖山競秀 恰近清明綺席從容蘭舟



搖曳穩泛波平 君恩許宴簪纓密座促仍多  
故情一部清音兩行紅粉醉入嚴城

又

山林堂席上以  
主人之意解嘲

品雅風流端端正正堪人怜惜因甚新來睂兒  
不展愁情如織 倡條冶葉無情猶爲他千思  
萬憶據恁當初真心實意如何虧得

春光好

侍宴苑中  
賞杏花

臙脂膩粉光輕正新晴枝上鬧紅無處著近清

明 仙娥進酒多情向花下  
相闌盈盈不惜十分傾玉斝  
惜凋零

又

感舊

心下事不思量自難忘  
花底夢迴春漠漠恨偏長  
閑日多少韶光雕闌靜  
芳草池塘風急落紅留不住  
又斜陽

又

槐陰密蔗漿寒荔枝丹  
珍重主人怜客意薦雕

盤 多情翠袖凭欄晚粧罷誰與共歡簾捲玉  
鈎風細細歛眉山

減字木蘭花

席上賞宴賜  
牡丹之作

一聲杜宇滿地落紅愁不語國色春嬌不逐風  
前柳絮飄 珠簾休捲愛惜龍香藏粉豔勝友  
俱來同醉君恩倒玉盃

點絳脣

慶卽  
席上

璧月香風萬家簾幕煙如晝鬧娥雪柳人似梅

花瘦 行樂清時莫惜笙歌奏更闌後滿斟金  
斗且醉厭厭酒

又

細雨斜風上元燈火還空過下簾孤坐老去知  
因果 風月詞情冷落教誰和今忘我靜中看  
破萬事空花墮

浣溪沙

奉詔次韻張池  
州賞杏聽琵琶

豔杏紅芳透粉肌沉香亭宴太真妃新晴庭館

燕來遲 試抹么絃粧半掩滿斟綠醕袖交飛

九重天上捧金卮

又 鄭相席上  
贈舞者

元是昭陽宮裏人驚鴻宛轉掌中身只疑飛過  
洞庭雲 按徹涼州蓮步緊好花風裊一枝新  
畫堂香暝不勝春

又

綺陌尋芳惜少年長楸走馬著金鞭玉樓春醉

杏花前 顛顛如今誰作伴  
別離還近養花天  
碧雲凝處憶嬋娟

又

一扇薰風入座涼  
輕雲微雨弄晴光  
綠團梅子未成黃  
漸近日長愁悶處  
更堪羈旅送歸艎  
亂山重疊水茫茫

釵頭鳳

向誤作清商怨

華燈鬧銀蟬照萬家  
羅幕香風透金樽  
側花顏

色醉裏人人向人情極惜惜惜  
春寒峭腰肢  
小鬢雲斜鞦蛾兒裊清宵寂香閨隔好夢難尋  
雨蹤雲跡憶憶憶

訴衷情

夜直殿廬晚雪因  
作○花菴作宮怨

建章宮殿晚生寒飛雪點朱闌舞腰緩隨檀板  
輕絮帶春閑  
愁思亂酒腸慳漏將殘玉人今  
夜滴粉搓酥應斂眉山

又

趙德夫還延平因語  
舊遊作此以贈之

半鈎珠箔小揚州  
春色在重樓  
曾醉玳筵歌舞  
楚夢苦難留  
情脉脉恨悠悠  
幾時休  
大都人世會少離多  
總是閑愁

又

晚粧初試蕊珠宮  
隨步異香濃  
檀槽緩坐鸞帶  
纖指撚春蔥  
鶯語巧上林中  
正嬌慵  
暫教花下簾影微開  
多謝東風

又

史丞相宴曲水席上作



蘭亭曲水擅風流  
移宴向清秋  
黃花未應顛顛  
盞面尚堪浮  
圍豔質發歌喉  
細相酌  
明年此會主人還是在鳳池頭

轉調踏莎行

翠幄成陰誰家簾幙  
綺羅香擁處  
觥籌錯清和  
將近春寒更薄  
高歌看簌簌  
梁塵落  
好景良辰  
人生行樂金盃無奈是苦相虐  
殘紅飛盡  
裊垂楊輕弱  
來歲斷不負鶯花約

眼兒媚

閨思

花近清明晚風寒錦幄獸香殘醺醺醉裏昏昏  
相見重聽哀彈春情入指鶯聲碎危柱不勝  
絃十分得意一場輕夢淡月闌干

又

重勸離觴淚相看寂莫上征鞍臨行欲話風流  
心事萬緒千端春光漫漫人千里歸夢遶長  
安不堪向晚孤城吹角回首關山

蝶戀花

惜春

翠箔坐雲香噴霧  
年少疎狂載酒尋芳路  
多少惜花春意緒  
勸人金盞歌金縷  
桃杏飄零風景算  
只有閑愁不逐流年去  
舊事而今誰共語  
画樓空指行雲處

又

三月上巳應制

御柳風柔春正暝  
紫殿朱樓赫奕祥光遠  
十二玉龍迎鳳輦  
香騰錦繡聞絃管  
扇却雙鸞開

寶宴綠遶紅圍宣勸金卮滿萬歲千秋流寵眷  
此身欲備昭陽燕

隔浦蓮

詠白蓮

涼秋湖上過雨作意回商素暗綠翻輕蓋蕭然  
姑射儔侶粧臉宜淡佇紅衣妬步襪凌波去

異香度天教占斷風汀月浦煙渚纖塵不到夢  
遶玉壺清處多少芳心待怨訴無語飛來一片

鷗鷺

浪淘沙

觀潮作

一線海門來雪噴雲開崑山移玉下瑤臺捲地  
 西風吹不斷直到蓬萊 羯鼓噪春雷鼉舞蛟  
 回歌樓鼓吹夕陽催今古清愁流不盡都一罇  
 罍

驀山溪

坤寧殿得旨次韵賦照水梅花

催花小雨輕把香塵洒簾捲水亭風梅影轉夕  
 陽初下靚粧窺鑑鴛鴦鬢湛清漪浮暗麝剪芳瓊

消得連城價 玉樓十二寒怯 銖衣掛曾是綠  
華仙眷餘情新詞如画花隨人聖須信世無雙  
騰鳳吹駐鑿舉堪與瑤池亞

又算秋賞  
梨花

凋紅減翠正是清秋杪深院嫋香風看梨花一  
枝開早瓏璁映面依約認嬌顰天淡淡月溶溶  
春意知多少 清明池館芳信年年好更向五  
侯家把江梅風光占了休教寂莫辜負向人心

檀板響寶盃傾潘鬢從他老

感皇恩

重到臨安

依舊惜春心花枝常好只恐樽前被花笑少年  
青鬢耐得幾番重到舊歡重記省如天香綺  
陌青門斜陽芳草今古銷沉送人老帝城春事  
又是等閑來了亂紅隨過雨鶯聲悄

阮郎歸

上苑初夏侍宴池上雙飛新燕掠水而去得旨賦之

柳陰庭館占風光呢喃清晝長碧波新漲小池

塘雙雙蹴水忙 萍散漫絮飄颺輕盈體態狂  
爲憐流去落紅香 銜將歸回梁

鷓鴣天

選德殿賞燈先宴梅  
堂侍兩宮沾醉口占

龍馭親迎玉輦來 江梅枝上雪培堆 東風上苑  
春光到更放金蓮匝地開 騰鳳吹進瑤盃兩  
宮交勸正歡諧 父慈子孝從今數 準擬開筵一

萬迴

又

奉和伯可郎  
中席上見贈



桃李飄零春已深可憐輕負惜花心樽前賴有  
紅千疊窗外休驚綠滿林燈灼灼醉沉沉笙  
歌叢裏酒頻斟留歡且莫囟囟去悵望春歸何  
處尋

又丁堂淨惠師示予寒食  
感懷二闕因次其韻

每上春泥向曉乾花間幽鳥舞姍姍年華不管  
人將老門外東風依舊寒投簪易息機難鹿  
門歸路不曾關羨君早覺無生法識破南柯一

夢聞

又

故鄉寒食醉醜顏  
鞦韆絲索眩爛斑  
如今頭上灰三斗  
贏得疎慵到處閑  
鍾已動漏將殘  
浮生猶恨別離難  
鑊湯轉作清涼地  
只在人心那樣看

定風波

應制聽  
琵琶作

捍撥金泥雅製新  
紫檀槽映小腰身  
姪姹雛鶯

相對語欣覩上林花底暝生春  
颯颯胡沙飛  
指下休訝一般竒絕稱精神  
向道曲終多少意  
須記昭陽殿裏舊承恩

又賞牡丹席  
上走筆

上苑穠芳初雨晴香風嫋嫋泛軒楹  
猶記洛陽開小宴嬌面粉光依約認傾城  
流落江南重  
此會相對金蕉蘸甲十分傾  
怕見人間春更好  
向道如今老去尚多情

又

題續宅  
江樓

極目秋光夕照開  
潮頭初自海門來  
杳杳江天橫一線  
如練疾驅千騎鼓  
聲催  
傑檻翠飛爭徙倚  
□□一行新雁去  
仍迴翠袖半空歌  
笑迴  
低映十分沉醉勸  
金盃

又

天語丁寧對未央  
少攄素志向荆襄  
烜赫家聲今不墜  
英偉風姿颯爽紫  
髯郎  
別酒一盃君

海畔詞

二

汲古閣

莫阻□□燭前粉豔儼成行  
領略大堤花好處  
無緒也應回首水雲鄉

南鄉子

文叔開樽席上作  
○花菴作別意

霜月晚雲收  
蕭瑟西風滿院秋  
雅會難期嗟易散  
遲留把酒聽歌且勸酬  
萬事拚悠悠  
只有情親意未休  
後夜扁舟煙浪裏  
回頭葉葉丹楓  
總是愁

憶秦娥

晴空碧吳山染就丹青色丹青色西風搖落可  
堪淒惻世情冷煥君應識鬢邊各自侵尋白  
侵尋白江南江北幾時歸得

又

西風節碧雲捲盡秋宵月秋宵月關河千里照  
人離別樽前俱是天涯客邠堪三載遙相憶  
遙相憶年光依舊漸成華髮

又

賞雪  
席上

算雲感小亭帶雪斟醺醪斟醺醪一聲羌管落  
梅款款舞衣旋趨霓裳曲倚闌相對人如玉  
人如玉錦屏羅幌看成不足

又

正飛雪園林一樣梨花白梨花白画堂簾捲暝  
生春色嵇康轉軸聲幽噎新來多病嬌無力  
嬌無力淺紅轉黛自然標格

又

邯鄲道上望  
叢臺有感

風蕭瑟邯鄲古道傷行客傷行客繁華一瞬不堪  
堪思憶 叢臺歌舞無消息金樽玉管空陳跡  
空陳跡連天草樹暮雲凝碧

鵲橋仙

同舍郎載酒  
見過醉後作

菊花小摘西風斜照簾影輕籠暝色玉樽側側  
莫辭空滿座賓朋口弁側 鄉邦萬里北來年  
少幾箇如今在得扶頭一任且留連歎人世光  
陰半百



清平樂

松姿不老獨立蓬萊杪風捲流蘇香霧曉又是  
江梅開了丹青早画麒麟貂蟬自屬王門聞  
道碧桃花綻一枝枝祝千春

長相思

清夜長泛玉觴照座江梅花正芳風傳細細香  
圍豔粧留醉鄉一曲清歌聲遶梁樽前人斷

腸

虞美人

中秋前  
兩夜作

芙蓉池畔都開遍，又是西風晚。  
霽天碧淨暝雲收，漸看一輪冰魄冷懸秋。  
閩山層疊迷歸路，把酒寬愁緒。  
舊歡新恨幾淒涼，暗想瀛洲何處夢悠揚。

採桑子

清明

清明池館晴還雨，綠漲溶溶。  
花裏遊蜂，宿粉栖香錦繡中。  
玉簫聲斷人何處，依舊春風。  
萬點香紅，飛入尋芳路。

愁紅亂逐煙波總向東

朝中措

趙知閣  
生日

畫堂簾捲獸香濃  
花上雪玲瓏  
平地十洲三島  
蟠桃已試春紅  
清朝舊德仙姿  
難老主眷方  
隆  
爛醉笙歌叢裏  
年年先占春風

又

山父賞牡丹  
酒半作

畫堂欄檻占韶光  
端不負年芳  
依倚東風向曉  
數行濃淡仙粧  
停盃醉折多情  
多恨冶豔真

香只恐去爲雲雨夢魂時惱襄王

又

金沙架上日瓊瓏濃綠襯輕紅花下兩行紅袖  
直疑春在壺中 如今尚覺惜花愛酒依舊情  
濃無限少年心緒從教醉倒東風

又

休論社燕與秋鴻時節太匆匆海上一番微雨  
朱門濃綠陰中 主人情厚金盃滿泛且共從

容莫問鶯花俱老今朝猶是春風

又

西湖南北舊遊空誰料一樽同回首四年間事  
渾如飛絮濛濛 林花謝了明年春到依舊芳  
容惟有朱顏綠鬢暗隨流水常東

又

席上贈南  
鈞翟守

雙溪樓上凭欄時滄澗泛金卮醉倒開花深處  
歌聲遏住雲飛 風流太守鸞臺家世玉鑑丰

姿行奉紫泥，  
褻詔要看擊浪天。  
池

又

維揚感懷

雕車南陌碾香塵，  
一夢尚如新。  
回首舊遊何在，  
柳煙花霧迷春。  
如今霜鬢愁停短棹，  
懶傍清樽。  
二十四橋風月，  
尋思只有消魂。

又

同前代御帶作

功名雖未壓英游，  
一種舊風流。  
人世百年須到，  
如今七十春秋。  
當時帷幄貂璫貴，  
重譽藹朋

每好同

及古閣

儔贏得樽前沉醉浮華付去悠悠

南柯子

元夜書事

璧月窺紅粉金蓮映綵山東風絲管滿長安移  
下十洲三島在人間兩兩人初散厭厭夜向  
闌倦粧殘醉恹輕寒手撚玉梅無緒倚闌干

又

次韵南  
鈿趙倅

粉黛娉婷豔芝蘭笑語香延平春色鬪芬芳不  
管清宵更漏聽霓裳燭暗人方醉盃傳意更

長可堪羈客九迴腸蕭瑟一簷風雨過橫塘

又

將出行陸丈知府置酒出姬侍酒半索詞

綠蔭侵簷淨紅榴照眼明主人開宴出傾城正  
是雨餘天氣暑風清別酒慙勤意危絃要妙  
聲年年相見豈無情後日算雲回首奈藥行

又

浩然與予同生己丑歲月日時皆同秋日見席上出新詞且命小姬歌以侑觴

次韻

奉酬

共稟陰陽數誰知造化工安閑百計摠輸公掩



映芙蓉花徑郡城東  
風月三秋興樽罍一笑  
同新詞佳麗見情通  
更喚雪兒低唱慰衰容

玉樓春

雪中無酒清坐寒冷承觀  
使太尉與賓客酌唱謹和

江天暝色傷心目  
凍鵲爭投林下竹  
四坐雲幕  
一襟寒片片飛花輕鏤玉  
美人試按新翻曲  
點破舞帶春草綠  
融樽側倒也思量清坐有人  
寒起粟

江神子

贈章  
遠道

故人情分轉綢繆小窗幽話離愁海闊天遙鴻  
雁兩悠悠今日相逢誰較健應怪我鬢先秋  
功名浙米在刀頭壯心休弊貂裘何事留歡不  
竟漾扁舟桃李春風將近也如後會醉青樓

踏莎行

和材甫聽  
彈琵琶作

鳳翼雙雙金泥細細四絃斜抱籠纖指紫檀香  
暝轉春雷嘈嘈切切聲相繼弱柳腰枝輕雲  
情息曲中多少風流事紅牙拍碎少年心可憐

辜負樽前意

生查子

溫柔鄉內人翠微閣中女  
顏笑洛陽花肌瑩荆山玉  
東君深有情解與花爲主  
移傍楚峰居  
容易爲雲雨

青玉案

蒲葵佳節初經雨  
正欄檻薰風度  
滿泛香蒲斟  
醪醕故人情厚  
豔歌嬌舞總是留賓處  
榴花

照眼江天算醉裏春情蕩輕絮豈止捲簾通一  
顧今宵酒醒一襟風露夢指高唐去

又

燕鸞影裏水輪度秋空淨南樓算嫋嫋天風吹  
玉兔今宵只在舊時圓處往事難重數天涯  
幾見新霜露怎得朱顏舊如故對酒臨風慵作  
賦藍橋煙浪故人千里夢也無白做

菩薩蠻

次韻龍深甫  
春日卽事

杏花寒食佳期近  
一簾煙雨  
渠書潤砌下水潺  
潺玉笙吹算寒  
陽臺雲易散  
往事尋思  
癩花底醉相扶  
當時人在無

又

雲煙漠漠秋容老  
茅簷映水人家好  
林葉未凋  
疎遠山橫有無  
平生耕釣事  
若箇安身是勸  
君早歸來  
碧香新瓮開

西江月

元夕醉中走筆

煥爛蓮燈高下參差梅影橫斜凭欄一目盡天  
涯雪月交輝清夜莫惜柔荑勸酒從教醉臉  
紅霞爛銀宮闕對仙家一段風光如画

又

桂苑旋生涼思銀河左界秋高纖塵不動湛清  
霄皓月照人偏好詩爲情多却減酒因愁裏  
難銷一聲羌管夢魂勞可惜風光虛老

又

每尋詞

及市觀

醉伴三千珠履如登十二瓊樓壺天澄爽露華  
秋灩灩金波醺酒 羅扇不隨恩在佳時須要  
人酬麒麟閣画爲誰留只見浮生白首

繡帶兒

客路  
見梅

瀟灑隴頭春取次一枝新還是東風來也猶作  
未歸人 微月淡煙村謾佇立惆悵黃昏算寒  
香細疎英幾點儘奈銷魂

卜算子

湖州塲牆吳氏女失  
身于上山張氏作妾

數盡萬般花不比梅花韻雪壓風欺恁地寒刻  
地清香噴半醉折歸來挿向烏雲鬢不是愁  
人悶帶花花帶愁人悶

柳梢青

詠海棠

雨過風微溫泉浴倦妃子粧遲翠袖牽雲朱唇  
得酒臉暈臙脂年年海燕新歸怎奈向黃昏  
恁時倚遍瓊干燒殘銀燭花又爭知

又

春祺  
錫宴



詞話卷一 三十一  
□杏堂前清深窗外宛似蓬瀛珠翠分行笙歌  
爭奏音韻清新 玉皇金母情親勸醪醕更酬  
嗣君地久天長花朝月夕天上長春

又

小宴清秋霎時見了雨散雲收柳絮輕柔梅花  
閑澹宮院風流 空教夢遶青樓待說箇相思  
又休無奈情何不來眼底常在心頭

醉落魄

情深恨切憶伊諠  
沒些休歇百般做處  
百厮慳  
管是前生曾負你  
冤業  
臨岐不忍囟囟別  
兩  
行珠淚流紅頰  
關山漸遠音書絕  
一个心腸兩  
處對風月

鵲橋仙

嬌波媚靨樽前席上  
只是尋常梳裹  
溫柔伶俐  
揔天然沒半插  
教人看破  
從來可恁癡迷著  
相百計消除  
不過煙花  
不是不曾經放  
不下唯

他一箇

清平樂

豔苞初拆偏借東君力上苑梨花風露溼新染  
臙脂顏色 玉人小立簾櫳輕勻媚臉粧紅斜  
插一枝雲鬢看誰剗□春風

訴衷情

閑窗靜院漏聲長金鴨冷殘香幾番夢回枕上  
飛絮恨悠揚 身在此意伊行 照思量不言不

語幾許閑情月上回廊

浣溪沙

櫻桃

穀雨郊園喜弄晴滿林璀璨綴繁星筠籃新採  
絳珠傾 樊素扇邊歌未發葛洪爐內藥初成  
金盤乳酪齒流冰

壺中天慢

此進御月詞也上皇大喜曰從來月詞不曾用金甌事可謂新奇

賜金束帶紫番羅水晶盃上亦賜寶盞至一更五點還宮是夜西興亦聞天樂焉

素飈漾碧看天衢穩送一輪明月翠水瀛壺人

不到比似世間秋別玉手瑤笙一時同色小按  
霓裳疊天津橋上有人偷記新闕 當日誰幻  
銀橋阿瞞兒戲一笑成痴絕肯信群仙高晏處  
移下水晶宮闕雲海塵清山河影滿桂冷吹香  
雪何勞玉斧金甌千古無缺

純甫与龍大涵同為建王內客孝宗以三人  
皆潛邸舊人觴詠唱酬字而不名世號持勢  
純甫尤甚故陳俊卿虞允文嘗交章逐之

結文藻頗只可親如至京師望禁臺諸作  
語多感慨令人多事秀黍離之悲与弦輪  
不時賦詞進御賞資甚渥至道月詞一夕西  
真共問天樂豈天神志不以人廢与耶湖南  
毛晉跋